

Sektor for oppvekst



# Årsplan 2024/2025 Austefjord barnehage

*Volda kommune har barn, unge og  
vaksne som deltek, meistrar og lærer!*

(Visjon for sektor opplæring og oppvekst)



Årsplanen er godkjent av SU i Austefjord barnehage 2024/2025.

## Kontakinformasjon.

Styrar Anita Gaarder tlf. 90 47 46 12 e-post: [anita.gaarder@volda.kommune.no](mailto:anita.gaarder@volda.kommune.no)

Tyttebærlyngen: tlf. 97 42 32 59

Blåbærtua: tlf. 91 14 72 87

## Planleggingsdagar for barnehageåret 24/25.

<b>5. august 24 – eiga barnehage, klargjere nytt bhg.år</b>
<b>16. august 24 – felles fagdag oppvekstsektor i Volda kommune</b>
<b>23. oktober 24 – Planleggingsdag ReKomp/ASK</b>
<b>12. mars 25 – planleggingsdag – tema kjem</b>
<b>30. mai 25 – planleggingsdag – innarbeida</b>

## Styringsdokument:

Lov om barnehager: [Lovdata - Lov om barnehage\(barnehageloven\)](#)

Rammeplan for barnehage: [UDIR: Rammeplan for barnehagen - nynorsk PDF](#)

Vedtekter for barnehager i Volda kommune: [Vedtekter for kommunale barnehagar PDF](#)

Oppvekstplan 2022-2027: [Oppvekstplan Sektor oppvekst 2022-2027](#)

## Samarbeids utval (SU) i Austefjord barnehage.

Foreldrerepresentantar: Linn Kristin Leite Høydal og Anette Berg

Tilsettrepresentantar: Solvor Heggli og David Bell

Styrar: Anita Gaarder

Kommunal representant: Rune Dalseth (vara: Connie Steffenak Bakke)

## Opningstid.

**Barnehagen opnar kl. 0730** – gi beskjed om barna vert levert etter kl. 09 grunna start på pedagogiske aktiviteter.

**Barnehagen stengjer kl. 16.30.** – Dersom for sein henting førar til ekstra personalkostnader, må dei føresette vere budde på å bere desse kostnadene. (§6 i Vedtekter for kommunale barnehagar i Volda kommune)

## Bemanning.

Informasjon om bemanning i barnehagen.

Barnehagen er bemanna etter barnehagenlova §26, minst én tilsett per tre barn under tre år og minst én tilsett per seks barn over tre år. Barna regnast som over tre år frå og med august det året dei fyllar tre år.

Barnehagen held ope i 9 timar per dag, dei tilsette har 7,5 timars arbeidsdag. I arbeidstida der alle tilsette er på plass skal det gjennomførast plantid og ulike møte. For å sikre god pedagogisk kvalitet er det bestemt at barnehagane i Volda kommune skal avvikle 3 timar med avdelingsmøte kvar månad, og pedagogiske leiarar og styrar skal avvikle 3 timar med leiarmøte i månaden.

Barnehagelærarar og pedagogiske leiarar skal avvikle minst fire timar plantid i veka, denne plantida er avtalefesta og skal gjennomførast. OBS! Volda kommune har vedtatt å dekkje opp plantida til pedagogar på småbarns avdeling.

I Austefjord barnehage har vi monge barn som søv, dette er den rolegaste tida i løpet av dagen, og vi nyttar denne tida til å avvikle dei fleste møta vi har. Kvar måndag er det møtedag og avdelingane har avdelingsmøte. Dei tilsette som ikkje er på møte ser til dei barna som er våkne og ein tilsett står sovevakt og har tilsyn ved vognene.

Det er utfordrande for barnehagen å gjennomføre plantid og møtar utan at det går utover kvaliteten vi leverer i barnehagen. Vi tar difor vurderingar om vi klarar å gjennomføre alle møta som planlagt, slik at sikkerheita til barna vert ivaretatt.

**Kjøkken assistent:** Hausten 2024 har barnehagane og læringscenteret i Volda kommune starta eit prøveprosjekt med kjøkkenassistent i barnehagane, Austefjord barnehage vil ha kjøkkenassistent kvar onsdag. Denne dagen vert det laga varm lunsj med varierende meny, og det vert satt brøddeig slik at vi har heimebaka brød torsdag og fredag. Førebels varar ordninga ut 2024.

**Språk assistent:** Hausten 2024 har Austefjord barnehage 40% ukrainsk språkassistent. Språkassistenten kan bli flytta om behovet skulle endre seg i dei ulike barnehagane.

## Tyttebærlyngen.

### Tyttebærlyngen

Barn født i 2023 og 2024.

**Pedagogisk leiar: Anne Britt Sårheim**

**Barnehagelærer: David Bell**

**Fagarbeidar: Kenneth Hole**

**Fagarbeidar: Marte Beate Fure**

#### Litt om avdelinga:

Tyttebærlyngen er ei avdeling med barn født i 2023 og 2024, det vil vere tilvenningar på avdelinga fleire gongar i løpet av barnehageåret.

Barna på avdelinga er dei yngste i barnehagen og hovudfokuset er å skape ei trygg atmosfære for alle barn gjennom kvardagen.

I periodar har avdelinga barn som søv fleire gongar om dag, dette vil påverke dagsrytmen til avdelinga. Når barn søv har avdelinga kontinuerleg sovevakt ved vognene.

### Dagsrytma Tyttebærlyngen

<b>0730</b>	Barnehagen opnar
<b>0730-0830</b>	Frukost – Barn som kjem etter kl.0830 et frukost heime. Frileik på midtrommet eller på grupperommet for dei som eventuelt er ferdig med frukost
<b>0900-1015</b>	Påkledning, frileik ute
<b>1015-1045</b>	Vi går inn, songstund før mat, lunsj på avdelinga
<b>1045-1330</b>	Stell, kvilestund. Barna sov ute med sovevakt.
<b>1330-1400</b>	Andre måltid – lett måltid med knekkebrød/yoghurt og frukt
<b>1400-1430</b>	Stell etter måltidet
<b>1430-1630</b>	Frileik inne eller ute.
<b>1630</b>	Barnehagen stengjer

Måndag	Tysdag	Onsdag	Torsdag	Fredag
Sangstund ute Fast møtedag	Havregraut til lunsj	Varmt måltid	Leik i gymsal	Temasamling – med fokus på månadens tema

## Blåbærtua.

### Blåbærtua

Barn født i 2019, 2020, 2021 og 2022 + SFO for barn frå Hornindal skule.

Pedagogisk leiar: Eirin Dæmring Thue

Barnehagelærer: Solvor Heggli

Barnehagelærer: Karina Haugen Bøe (permisjon frå oktober 24)

Fagarbeidar: Solveig Midtlund

Språkassistent: Nataliia Krudenko (40 % stilling i Austefjord bhg)

#### Litt om avdelinga:

Vi er ei blanda gruppe med stort spenn i alder. Vi er ofte delt i grupper, for å sikre at alle får tilrettelagt aktiviteter etter alder. Vi jobber med å skape gode venskapsrelasjonar mellom barna og med oss vaksne. Vi jobber med å la barna lære å klare sjølv og kunne samarbeide med kvarandre. Vi er mykje ute og utforsker naturen og nærmiljøet gjennom turar kvar veke. Førskulegruppe for barna som skal begynne på skule. Førskulebarna har boka "Trampoline" med ulike oppgaver som dei fylgjer i løpet av året.

### Dagsrytma Blåbærtua

<b>0730</b>	Barnehagen opnar
<b>0730-0830</b>	Frukost - Barn som kjem etter kl.0830 et frukost heime.
<b>0830-</b>	Aktivitet inne eller ute.
<b>1100</b>	Lunsj
<b>Etter lunsj</b>	Stell, kvilestund og frileik. Påkledning og uteleik for dei som ikkje søv
<b>1400</b>	Andre måltid – lett måltid med knekkebrød/yoghurt og frukt
<b>1430-1630</b>	Frileik inne eller ute.
<b>1630</b>	Barnehagen stengjer

Måndag	Tysdag	Onsdag	Torsdag	Fredag
Forming	Musikk	Gysal	Tur	Forteljing/ førskulegruppe
Havre grøt		Varmmat		
Fast møtedag				

## Tema gjennom barnehageåret.

### Overordna tema for barnehageåret 2024/2025 – GRØNT FLAGG

Gjennom barnehageåret ønskjer vi verte sertifiserte som Grønt flagg barnehage.

Dette er ei sertifisering som sett miljø og bærekraft i fokus, og er tilpassa barnehagepedagogikk og styringsdokumenta våre.

Les om Grønt Flagg barnehage her: [Grønt Flagg - barnehage](#)

**Tema ReKomp: Alternativ Supplerande Kommunikasjon (ASK).**

I Austefjord barnehage kjem vi til å ha fokus på arbeid med ASK oppimot det å verte ei Grønt Flagg barnehage.

Barnehagane i Volda er med i ein regional ordning for kompetanseutvikling (ReKomp). Ordninga skal vere med på å sikre at alle barn får eit likeverdig barnehagetilbod av høg kvalitet. Dette er eit samarbeid og partnerskap med Høgskulen i Volda, der høgskulen skal bidra med kompetanseutvikling inn mot barnehagane, og høgskulen tar med seg erfaringane frå barnehagen tilbake til barnehagelærarutdanninga.

ASK står for alternativ og supplerande kommunikasjon, nokon personar kan av ulike årsaker ha behov for å kommunisere på andre måtar enn med verbalt språk. T.d. ulike tilstandar, skader eller sjukdomar, ein kan også i korte periodar i livet ha behov for anna kommunikasjon om ein ikkje har lært seg verbal språk enno eller nytte det i opplæring av eit nytt språk. Målet med arbeidet med ASK er at vi skal klare å nytte dette i tillegg til talespråket gjennom heile dagen.



samling			
lek			
spise			
kle på			
lekeplass			

Foto og illustrasjonar frå statped.no på korleis ASK kan sjå ut i barnehagen. Døme på deler av dagsplan og tilgjengelege tematavler til daglege aktivitetar.

## Nærmiljø i Austefjord.

Austefjord barnehage har ei nær relasjon til lokalsamfunnet i Austefjord. Jamleg gjennom året har store og små kontakt med lag, organisasjonar og personar frå nærmiljøet anten ved at barna inviterast på besøk eller vi får besøk i barnehagen. Kontakten med nærmiljøet er viktig for barnehagen og noko både små og stor sett stor pris på!

Uteområdet i barnehagen er allsidig og inviterer til variert leik. Vi har tilgong på eit stort uteområde i barnehagen, der dei ulike sonene byr på stor variasjon. Nokre av sonene er også skjerma med gjerde, dette gjer det lettare å dele opp området når ein ønskjer det. Dette kan til dømes vere viktig i tilvenningsfase, for å skjerme dei som er mest utrygge. Og i tidsrom der ein er redusert bemanna på start og slutt av dag.

Barnehagen er ute på tur i nærområdet gjennom heile året, med forbehold om at det er trygt å gå langs vegen. Om det er mykje snø om vinteren kan det vere vanskeleg å halde tilstrekkeleg avstand til biltrafikk grunna brøytekantar og difor ikkje trygt å gå langs vegen. Barnehagen legg då til rette for aktivitet inne på barnehagens område, t.d. lage skispor, naturleik i skogen og anna vinteraktivitet for barna.


## Tryggleikssirkelen. (COS)

I 2019 fekk tilsette i barnehagane i Volda kommune kurs i COS (Circle of security), nokre av dei tilsette vart også sertifiserte som rettleiarar. I Austefjord barnehage er ein tilsett sertifisert. Hausten 2023 gjekk dei tilsette i Austefjord barnehage igjennom kurs i SBI (Sjå barnehagebarnet innanfrå)

Tryggleikssirkelen er ein tilknytningsmodell som lærer oss å sjå barna innanfrå og forstå barna sine signaler betre. Det handlar om barna si sosiale og emosjonelle utvikling, stressregulering, psykologisk immunforsvar og psykisk og fysisk helse.

Tryggleikssirkelen er en visuell sirkel, der den voksne er den trygge og sikre havna. Når barnet er utforskande, beveger det seg ut fra den trygge havna, barnet er da oppe i sirkelen. Barnet er fremdeles avhengig av voksne i form av støtte, hjelp ved behov og glede med barnet. Når barnet er nede i sirkelen har barnet behov for beskyttelse, trøst, godhet og organisering av følelsene sine (Powell, Cooper, Hoffman, Marvin, 2015).

SBI baserer seg på Tryggleikssirkelen og sett i fokus korleis ein skal byggje trygge relasjonar med barn. Det er også fokus på tilknytningspsykologi i foreldresamarbeidet og i arbeidsmiljøet.



### Foreldrekurs i COS.

I Volda kommune vert det haldt COS-kurs for foreldre i regi av helsestasjonen og digitale kveldskurs i regi av oppvekstssektoren i regi av Ruxandra Raudøy.



## Årshjul Austefjord barnehage.

### August: Tilvenning

Store delar av august nyttar vi til tilvenning i heile barnehagen.

«Liten og ny»-tilvenning i Volda kommune: [Liten og ny i barnehagen - Volda kommune](#)

Planleggingsdagar 5. august 2024 og 16. august 2024

### September: Bli kjend + Brannvern (veke 37&38)

Bli kjend med kvarandre, med barnehagen og nærområdet.

Vi gjennomfører brannøving og vert kjend med brannbamsen Bjørnis.

### Oktober: Kommunikasjon, språk og tekst.

Les meir her: [Rammeplan for barnehagen - Kommunikasjon, språk og tekst.](#)

Haustkafe: FORUT-aksjon 30. oktober kl. 15-1630.

Planleggingsdag 23. oktober 2024.

Tid for foreldresamtalar.

### November: Etikk, religion og filosofi.

Les meir her: [Rammeplan for barnehagen- Etikk, religion og filosofi.](#)

Pynte kykja til advent – Blåbærtua.

Tid for foreldresamtalar.

Utsending av påmelding til barnehage i romjula.

### Desember: Glede nokon andre.

Kyrkjevandring: 2.12. kl 1245-1330.

Julebord: Dato kjem i månadsplan.

Nissefest: Dato kjem i månadsplan.

Lucia Kafe: 11. desember – Blåbærtua har luciatog til Samhald.

Advent og førebuingar til jul.



Januar: Kunst, kultur og kreativitet.

Les meir her: [Rammeplan for barnehagen - Kunst, kultur og kreativitet.](#)

Tyttebærlyngen: Tilvenning i januar.

Februar: Natur, miljø og teknologi.

Les meir her: [Rammeplan for barnehagen - Natur, miljø og teknologi.](#)

Karneval: Dato og meir informasjon står i månadsplan.

Solfest: Dato og meir informasjon står i månadsplan.

Samefolketsdag: 6. februar (veke 6)

**MERK! Frist for søknad barnehage hovudopptak – 1. mars.**

Mars: Kropp, rørsle, mat og helse

Les meir her: [Rammeplan for barnehagen - Kropp, rørsle, mat og helse.](#)

**BARNEHAGEDAGEN 11. mars – Kjem meir informasjon i månadsbrev**

Tid for foreldresamtalar.

Utseiding av påmelding til barnehage i påskeveka.

Planleggingsdag – 12. mars 2025

Tyttebærlyngen: Tilvenning i mars.

April: Mengd, rom og form.

Les meir her: [Rammeplan for barnehagen - Mengd, rom og form.](#)

Påskefrukost: Dato og meir informasjon kjem i månadsplan.

Påska 2025 – veke 16: Påmelding for behov i påskeveka.

Tid for foreldresamtalar.

Mai: Nærmiljø og samfunn.

Les meir her: [Rammeplan for barnehagen - Nærmiljø og samfunn.](#)

16. Mai – generalprøve til 17. mai.

Uteveke i fjøra - Blåbærtua: *Meir informasjon om datoar, plassert etc. kjem i månadsplan til Blåbærtua.*

Planleggingsdag – 30. mai 2025

Juni og juli: Sommar, avslutning og overgong.

Besøksdagar for nye born bhg året 25/26 - «Liten og ny»-tilvenning i Volda kommune: [Liten og ny i barnehagen - Volda kommune](#)

Sommarfest – dato og meir informasjon kjem i eigen invitasjon.

## Samarbeid i Austefjord barnehage.

### Foreldresamarbeid

#### Den første samtalen:

Ved oppstart i barnehagen vil ein iløpet av den første tida gå igjennom eit skjema «Den første samtalen» i barnehagen, skjema vert også sendt ut i velkomstbrev, slik at foreldre har høve til å gjere seg kjend med innhaldet. Samtalen er ein utfyllande samtale der barnehagen får informasjon om barnet og familien som kan vere nyttig i oppstartsfasen og første tida i barnehagen. Skjema vert lagra i barnemappa og det er ikkje obligatorisk å svare på alle spørsmåla, om ein opplev dei for utleverande.

Foreldresamtalar: Vert gjennomført to samtalar iløpet av barnehageåret, i oktober/november og i mars/april. Om det er behov for samtalar utan om desse tidsromma legg vi til rette for det.

For førskulebarna vil ein på samtalen på våren prate om overgangen til skule.

Til foreldresamtalane nyttar barnehagen felles skjema for foreldresamtale utarbeid av Volda kommune, samtalen vert lagra i barnet sin arkivmappe.

#### Vigilo – kommunikasjonssystem

Etter oppstartsdato vil Vigilo i hovudsak vere kommunikasjonskanalen mellom heim og barnehage.

Her publiserer vi informasjon, månadsbrev og anna frå barnehagen. Foreldra er ansvarlege for å halde seg oppdatert på Vigilo!

Les meir om Vigilo her: [Volda kommune - Vigilo fagsystem for barnehage, skule og SFO](#). (Her finn de m.a. forklaring på korleis kome i gang med Vigilo)

## Tverrfagleg samarbeid

### Tverrfagleg samhandlings gruppe (TSG).

Austefjord barnhage er i TSG-gruppe saman med Hornindag bhg og Tunåsen bhg, itillegg til barnehage er PPT, helsesjukepleiar, barnevern, koordinator for støttetiltak med på møta. I tillegg kan andre tilsette i barnehagane vere med på møte om det er caser der det er naudsynt.

TSG-gruppa skal sikre at fleire fagområde og profesjonsgrupper samarbeider for å sikre at barn og unge får eit heilskapleg og godt tilbod så tidleg som råd er.

TSG-gruppa jobbar på eit systemnivå. Nytt av 2024 er at det no er opna opp for å drøfte caser på individ nivå, etter samtykke frå foreldra. Foreldra vil også få tilbod om å vere med på møte. TSG-gruppa har fire faste møtepunkt iløpet av barnehageåret, utan om desse er det høve for å avtale egne tidspunkt ved enkeltsaker.

### Overgong barnehage-barnehage og barnehage-skule.

Austefjord barnehage arbeider utifrå «[Plan for samanheng mellom barnehage, skule og SFO](#)» for Volda kommune, barna i Austefjord barnehage soknar til Hornindal skule, i varierende grad vel nokre å søkje seg til skulane i Volda sentrum. Barnehagen deltek på skuleførebuande aktivitetar jmf. Planen og i så stor grad barnehagen har kapasitet. Hornindal skule har ein lokal plan saman med Hornindal bhg og Tunåsen bhg, denne legg opp til eit nærare samarbeid frå hausten før skulestart, her deltek Austefjord barnehage i så stor grad som kapasitet og resursar tillet.

Om førskulebarn skal begynne på skule i Volda sentrum, veit ein ikkje skule/klasse før etter nyttår/tidleg vår og førskulesamarbeidet startar når det er avklart.

Førskule gruppa i Austefjord barnehage startar det førskule forberedande arbeidet hausten før skulestart, m.a med aktivitetboka Trampoline.

### Betre tverrfagleg innstats – BTI.

Les meir her: <https://www.volda.kommune.no/bti/>

BTI er ein samhandlingsmodell som skal vere med på å sikre at alle barn, unge og familiar skal få den hjelpa dei treng.

Modellen sikrar fremgong og ansvarleg gjer kven som sit med «stafett-pinnen» og korleis ein skal arbeide når ein er uroa for eit barn.